

**Ihumanea Pāngarau
Te Tohu Ōrite
MĀ TE KAIAKO**

Kia Mōhio te Ākonga ki:

- te tikanga o te tohu ōrite
- te tāpiri, te tango hoki i tētahi tau ngahuru

Kupu Matua:

rautaki, tohu ōrite, tāpiri tango, otinga, tapeke, whārite


Whāinga Paetae:

Taumata 3, Te Tau me te Taurangi

3. Ka kōwhiri, ka whakamārama i te rautaki e tino whaihua ana hei whakaoti rapanga e whai wāhi mai ana te tauoti, te hautau, te tau ā-ira māmā me te ūrāu: rautaki tatau; rautaki whakarōpū; rautaki tohatoha ōrite; rautaki tāpiripiri; rautaki whakarea māmā.
4. Ka mārama ki te whaitakenga o te otinga o tētahi rapanga.

Hei Mahi:

E rua ngā maihea e noho ana ki ia taha o te pūrere taurite nei. Kei te whiriwhiri a Hine rāua ko Tama i te taumaha o tētahi:



1. Whakamāramahia te rautaki a Hine.

Tāpiria te 24 me te 15, hui katoa e 39kg kei te taha mauī. Tangohia te 21 i te 39 hei whiriwhiri i te maihea tuarua kei te taha matau. Ko te 18kg tērā.

He pātai āwhina hei tuku mā te kaiako (ina hiahiatia):

- He aha te tāpiritanga tuatahi a Hine?
- Hui katoa, e hia te taumaha o ngā maihea e rua kei te taha matau?
- He aha a Hine i tango ai i te 21 i te 39 hei whiriwhiri i te taha matau?

2. Whakamāramatia te rautaki a Tama.

E 3kg te taimāmā ake o te 21kg i te 24kg. Nō reira ka tāpiria taua 3kg ki te 15kg hei whiriwhiri i te maihea tuarua kei te taha matau.

He pātai āwhina hei tuku mā te kaiako (ina hiahiatia):

- Titiro ki ngā maihea tuatahi kei ia taha. E hia manokaramu te taumaha ake, te taimāmā ake rānei o tētahi i tētahi?
- He aha te hononga o ngā maihea tuatahi kei ia taha?
- Nō reira me pēhea te hononga o ngā maihea tuarua o ia taha, kia noho ūrite ai?

3. Koia nei te tuhinga poto hei whakaatu i te rautaki a Tama:

$$24 + 15 = 21 + 18$$

+ 3 - 3

Whakamahia te rautaki a Tama hei whiriwhiri i te tau e ngaro ana i ēnei whārite:

a)

$$98 + 74 = \boxed{100} + 72$$

+ 2 - 2

e)

$$48 + 37 = 38 + \boxed{47}$$

+ 10 - 10

h)

$$58 + 29 = \boxed{60} + 27$$

+ 2 - 2

i)

$$56 + 98 = 54 + \boxed{100}$$

+ 2 - 2

4. Tuhia ētahi otinga rerekē e toru mō ia whārite:

Hei tauira:

a) $76 + 5 = 73 + 8$

$$76 + \mathbf{15} = 73 + \mathbf{18}$$

e) $154 + \mathbf{10} = \mathbf{5} + 159$
 $154 + \mathbf{210} = \mathbf{205} + 159$

5. I tēnei whakaahua, e tohu ana te h i tētahi tau.

DIAGRAM 3

Koia nei ētahi whārite e rua e hāngai ana ki te whakaahua kei runga ake nei:

$$h + 5 = 32 \quad 32 - 5 = h$$

- a) Ko tēhea te whārite e pai ana hei whiriwhiri i te h ?

$$32 - 5 = h$$

- e) He aha te tau e rite ana ki te h ?

$$32 - 5 = 27$$

6. Tuhia he whārite hei whiriwhiri i te tau e hāngai ana ki te pū i ēnei whakaahua:

a)

$$\begin{aligned} 58 - 18 &= m \\ 58 - 18 &= 40 \end{aligned}$$

e)

$$\begin{aligned} 72 - 42 &= n \\ 72 - 42 &= 30 \end{aligned}$$

h)

$$\begin{aligned} 81 - 51 &= k \\ 81 - 51 &= 30 \end{aligned}$$

i)

$$\begin{aligned} 42 - 30 &= p \\ 42 - 30 &= 12 \end{aligned}$$